



HEBAHAN MEDIA

KEMENTERIAN SAINS, TEKNOLOGI DAN INOVASI

Pelancaran NICE Ekspo 2017

Ekspo Sains, Teknologi dan Inovasi (STI) terbesar Malaysia

KUALA LUMPUR, 12 Oktober, 2017 - Kementerian Sains, Teknologi dan Inovasi (MOSTI) hari ini melancarkan *National Innovation and Creative Economy (NICE) Expo 2017*. Ekspo Sains, Teknologi dan Inovasi (STI) terbesar negara ini bertujuan untuk memupuk dan membudayakan sains, teknologi dan inovasi (STI) di kalangan rakyat. Ia selaras dengan sasaran agenda Transformasi Nasional 2050 (TN50) untuk menyemarakkan ekonomi kreatif dan inovasi dalam STI di samping menggalakkan pembangunan Ekonomi Baru negara.

Dijadualkan berlangsung dari 12 hingga 16 Oktober 2017 di Technology Park Malaysia, Pusat Sains Negara dan Planetarium Negara, NICE 2017 akan menampilkan ucapan-ucapan utama daripada personaliti dalam sektor Teknologi, Didik Hibur (*edutainment*), ICT, Kesejahteraan, dan Pengetahuan. NICE 2017 juga adalah himpunan utama buat usahawan-usahawan dan bakal usahawan yang sedang memburu peluang untuk mengangkat perniagaan mereka ke tahap seterusnya menerusi penyelesaian berasaskan STI, yang juga dikenalpasti dalam Kajian Sains, Kejuruteraan dan Teknologi Baru (ESET) oleh Akademi Sains Malaysia (ASM) yang diterbitkan hari ini.

Dilancarkan oleh Timbalan Perdana Menteri, Datuk Seri Dr. Ahmad Zahid Hamidi, ekspo lima hari yang dijangka menarik kehadiran 500,000 orang pengunjung ini akan meneruskan kesinambungan kejayaan MOSTI dalam menyediakan platform untuk memacu kapasiti Malaysia dalam inovasi dan kreativiti berasaskan STI, di samping mempromosikan kelestarian dan daya saing dalam ruang yang sama. Acara ini akan menampilkan siri pameran, majlis menandatangani

Kementerian Sains, Teknologi dan Inovasi Malaysia,, Kompleks MOSTI
Aras 1-7, Blok C4 & C5, Kompleks C, Pusat Pentadbiran Kerajaan Persekutuan, 62662 Putrajaya, MALAYSIA
Tel: 03-8000 8000 Fax: 03-8888 9070 Emel: info @mosti.gov.my

MOU, pelancaran produk dan program serta forum dan dialog yang akan membincangkan peluang, cabaran, dan arah aliran baharu dalam STI.

“Kerajaan yang bertanggungjawab dan berdedikasi bukan sahaja menyediakan pelan masa depan yang cekap untuk generasi mudanya tetapi juga akan memastikan mereka terdidik dengan secukupnya untuk mendepani dekad-dekad yang mendatang. Transformasi Nasional 2050 mempunyai wawasan untuk menjadi garis panduan dalam mencipta masa depan gemilang yang dipacu oleh inovasi untuk generasi muda. Fokus dan pembangunan STI adalah langkah penting untuk mendorong Malaysia dalam menangani cabaran-cabaran ekonomi masa depan,” kata Timbalan Perdana Menteri Datuk Seri Dr. Ahmad Zahid Hamidi.

“Kami sangat-sangat berbesar hati dalam menjadi penganjur Ekspo NICE yang pertama ini dan berharap untuk teruskan usaha dalam penganjuran Ekspo NICE yang akan datang” tambah YB Datuk Seri Panglima Wilfred Madius Tangau, Menteri Sains, Teknologi dan Inovasi. “Kementerian ini mengiktiraf peranan STI sebagai pemacu utama masyarakat untuk keluar daripada perangkap pendapatan kelas menengah dan maju ke hadapan ke arah masyarakat berpendapatan tinggi. Ini selaras dengan inisiatif Transformasi Nasional yang mempunyai wawasan agar negara kita berdiri megah sebagai negara maju menjelang 2050 dan bersaing dengan negara-negara utama dunia daripada segi pembangunan ekonomi, inovasi, dan kesejahteraan warganegara.”

Pada majlis yang sama juga, YAB Timbalan Perdana Menteri turut menandatangani plak pelancaran *Senior Scientist Network* yang merupakan pertubuhan bukan kerajaan yang bermatlamat untuk terus menyumbang bakti kepada negara dalam bidang mereka berkemahiran iaitu bidang Sains, Teknologi dan Inovasi (STI). Pertubuhan ini diusahakan oleh pesara-pesara MOSTI.

- TAMAT -

Sebarang pertanyaan media sila hubungi:

**Huda Idris | +6018 280 4465 | huda.idris@ioli.com.my
Zulaikha Shawaludin | +60 17-224 0750 | zulaikha.shawaludin@ioli.com.my**

IOLI COMMUNICATIONS SDN BHD

Kementerian Sains, Teknologi dan Inovasi Malaysia,, Kompleks MOSTI
Aras 1-7, Blok C4 & C5, Kompleks C, Pusat Pentadbiran Kerajaan Persekutuan, 62662 Putrajaya, MALAYSIA
Tel: 03-8000 8000 Fax: 03-8888 9070 Emel: info @mosti.gov.my

Tentang NICE 2017

National Innovation and Creative Economy Expo 2017 atau NICE 2017 anjuran Kementerian Sains, Teknologi, dan Inovasi (MOSTI) adalah acara ulung untuk pelajar, penggemar sains, penyelidik dan pendidik untuk menyampaikan hasil kerja berkaitan Sains, Teknologi dan Inovasi (STI) kepada orang ramai. Sebagai ekspo inovasi utama, NICE 2017 akan berlangsung dari 12 hingga 16 Oktober, 2017 di Technology Park Malaysia, Pusat Sains Negara, dan Planetarium Negara.

Antara program-program utama NICE 2017 adalah seperti berikut:

1. **Robot Battle:** Pertandingan perlawanan di antara dua atau lebih robot yang dibina khas.
2. **KL Science Fiction:** Himpunan peminat fiksyen sains tempatan dan antarabangsa untuk membincangkan aktiviti dan program sains fiksyen.
3. **Fun Run for Science:** Larian ceria untuk meningkatkan kesedaran STI bersempena dengan World Standards Day.
4. **Smart Home:** Mentransformasikan rumah pada masa hadapan melalui penyelesaian yang bijak, inovatif dan mesra.
5. **Pesta Buku Sains:** Lebih 50 penerbit buku besar kecil akan mempamerkan buku terbitan mereka.
6. **Kampung Animasi:** Aktiviti interaktif untuk memupuk minat dan kesedaran dalam Teknologi Animasi.
7. **Forum NEO@NICE:** Forum ini memberi tumpuan kepada ekonomi masa depan yang dipacu teknologi dan inovasi.
8. **Telescope 500 Gathering @Planetarium:** Aktiviti ini mensasarkan untuk mengumpul 500 penggemar astronomi untuk menikmati acara merenung bintang dalam satu malam sewaktu NICE 2017.
9. **Journey to Malaysia 2050:** TN50 mempunyai wawasan dengan Malaysia sebagai negara maju menjelang 2050 dan teguh di antara negara-negara dunia dalam bidang ekonomi, inovasi dan kesejahteraan warganegara.
10. **Drone Racing GP:** Drone Racing GP merupakan acara 4 hari yang disertai kira-kira 200 peserta dari seluruh Asia Tenggara dan Eropah untuk menunjukkan kemahiran dalam perlumbaan drone.